

嶺海樓黃氏家集

卷之六

卷之六

卷之六

卷之六

卷之六

卷之六

卷之六

詩領
金鈔海

題

伊
叢
綴

樓

香石詩鈔序

敬在江右交順德黎仲廷十年仲



南旋復遊吳越過江右與敬會于百花洲甚相

樂也仲廷篋中攜香石詩鈔四卷清瀏蕩漾遠

具勝情於是始知香山黃子實之名而子實之

友番禺張子樹陽春譚子晉之詩亦得次第讀


之子樹之詩高邁子晉之詩渾逸翁覃溪學士

目爲粵東三子者也及敬過嶺首與子實定交

始知子實尊甫仰山先生以儒名而先世雙槐

粵洲秦泉三先生在明之中葉皆爲儒立朝居
家具有風範子實持身亦甚謹不背其先人則
又歎黃氏之多賢而子實之能繼其門地也夫
聖人之道惟爲儒者可言詩三百篇爲體不同
合之易書禮春秋諸經其義無以異也後世爲
儒者詩多質勝文詩人則文勝質兩家遂不能
相通卽如粵中白沙甘泉之詩世所謂不爲道
學所掩者而於近今詩人之意已不能厭飫况
其他哉昔仲廷嘗和陸子朱子鷺湖講學詩敬

告以言心性不必爲詩卽爲心性詩不必學陸
子朱子此詩蓋皆爲此今子實世爲儒善矣而
詩又善詩人之詩也由於其爲學也儒與詩分
一而習之故其爲詩非猶夫爲儒者之詩也夫道
一而已矣然必分習之而後得其合故儒可以
揚道之華而詩可以旣道之實能如是庶幾通
儒與詩兩家之蔽焉請訊之子樹子晉及粵東
諸君子若仲廷則夙以鄙言爲不謬者也嘉慶
二十年八月朔日陽湖惲敬序



香石詩鈔題辭

吾粵先輩理學文章兼擅其長者推泰泉先生
其講學平正醇實雖江門不能過著書幾三十
種瓊山亦無其博吾友家香石爲先生八世孫
能世其家學侍尊甫翼堂郡博之官瓊州方髫
年渡南溟得天風海濤之觀稍長與予同師事
吾邑田西疇先生卽解詩律家雖貧所交皆豪
俊君子尤爲馮魚山先生器重襟期灑落性好
山水嘗五上羅浮於絕頂築粵嶽祠以觀滄海

出日曾賓谷方伯記其事伊墨卿太守贈詩所
謂誰能開闢洪荒後肇錫羅浮粵嶽名是也然
香石束身修行有志窮經用世之學近輯易宗
一書博綜漢宋兼明象理誠得治經之通塗其
他著述尙夥是不僅以詩人自域卽以詩論少
壯之年已兼衆妙說者謂如天女無言拈花微
笑又如幽崖觀瀑心骨俱涼如金鐘大鏞不敢
褻玩又如秋菘春韭味出自然要皆和平中正
之音而以清真爲主者也翁覃谿先生旣以香

石暨南山康侯定爲粵東三子所撰香石詩話
并深加稱許茲爰就嶺海樓集摘鈔以付梓


蒼厓黃喬松

粵東三子詩序

昔朱竹垞論粵東詩派惟蘭汀小變而歐楨伯
黎瑤石區海日皆仍南園五先生之遺音此蓋
爲有明一代前後七子遞變而爲公安竟陵發
也予之論粵東詩則不然我 國朝經學考訂
之精什倍於前明詩文之盛亦倍之居今日而
言風雅通途豈得執屈梁陳三家以區流派乎
予昔於藥洲草堂與諸賢論詩大旨以杜爲宗
而所得士如馮魚山張葯房輩亦皆不專以三

家自限也厥後葯房歸里已刻其詩而魚山猶
未有專集近日其門弟子輩始爲抄撮刻之究
之非其心也然而涉河海者必溯諸崑崙發源
之處當魚山嚮學之初予與陸耳山李南澗擊
節推賞於羊城又與錢穉石把卷欣歎於都門
皆魚山早歲詩也今又三十餘年而吾門陳荔
峯於粵得張南山黃香石二詩人又因南山得
見譚康侯之作三子詩各有所就粵中將刊此
三集而問序於予予方日與南山論詩又得見

香石詩話持論皆正惡可無一言所勗吾學侶
宜博精經史而後其詩大醇詩必精研杜韓蘇
黃以厚根柢而後其詞不囿於一偏此則於士
習人心皆重有賴焉豈僅不執三家流派而已
也嘉慶十六年辛未閏三月望後二日北平翁
方綱



嶺海樓詩鈔卷之一

香山黃培芳子實撰

番禺黃喬松編

詠懷

丈夫志八區焉能守方隅
古人破萬卷戮力窮
三餘期此將致用豈徒騁
予虛君子寡所營羞
得不虞譽南陽淡泊人
千古誰能如

寓內勝山水寰中多高人
安得肆延覽有道懷
交親江湖動上宿談笑
無強秦慷慨燕趙間灑
落吳會津我非高陽徒
斗酒聊漉巾雖隔桃花

源要亦無懷民

民當先稼穡聖哲常躬親濫以四海憂菽水尙
未陳季子遠遊學范叔終說秦抵掌取卿相於
我輕浮雲

高堂有白髮曷云請長纓績學譬機絲中斷難
再成報章不可期助以長庚明辛勤忽達旦河
漢西流聲

嶧陽生孤桐泰岱浮喬松託根旣得所盤錯凌
高空當其拱把時埋養荒煙叢歲寒節斯顯萬

古何菁葱琴材亦大器取貢清廟中請君爲一
鼓天下皆和雍

藉茅罕有咎棄輔良無依非徒先事憂智者察
其微燕雀巢中堂寧知突烟隨由來貴審漸物
理固有宜

叢蘭敗秋風浮雲翳明月齊物徒紛紜仙人獨
負絕安期與我遊贈我青玉玦所貴純無疵溫
然皎以潔懷之在襟袖三年靡所謁我但乘風
翔渺與雲漢接

靜坐觀太始大化無停機義和善司歷欽若定
四時宅我古南交萬族向重離三序浩如春草
木各自私珍禽及嘉果接日交葳蕤敬止不敢
忘桑梓先所遺

白雲山紀遊

萬壑烟生暝色昏崇厓巖業亂流奔峯盤寺隱
重尋道梵罷鐘殘始到門小話漫勞詢世事今
宵端合宿雲根青蔬白飯供吾輩猶覺山中古
意存

山堂飯罷意蕭然古榻凝寒獨不眠起聽風濤
在羣木坐來星斗散長天安期已往三千載洞
府潛通四百巔閒對月明諸品靜夜深還試九
龍泉

天雞忽報海潮生犯曉披衣出寺行上界朝曦
如待沐下方宿霧未全明千重巖壑延佳氣一
面樓臺混太清欲訪竒踪何處是朔風蕭颯樹
縱橫

尋亦得所
石不見

人從犖确下雲端寺背幽叢路幾盤軒冕得終

泉石福山林畱與子孫看池空色相當門靜松
捲風濤挾嶺寒宋代精靈祠宇在月溪深邃足
遊觀

峭壁疑從空外懸飛流百尺瀉濺濺坡翁千載
題長句我輩重來看漏天碧澗坐餘寒水石茂
林深處靜風烟菖蒲果是長生種結屋山中不
計年

贈李蓬萊道士

昔者蓬萊子羊城一見之相思傷江水問訊到

龍祠忽湧開清酌飄然醉不辭青天雲散後明月共題詩

九月十六夜登粵秀山同方竹孫劉三山昔人云秉燭茲話已千秋好入碧山裏同爲清夜遊當前卽明月何處不滄洲南漢已陳迹長江空際流

浮雲不蔽月千里蕩清輝萬籟此時寂踈鐘聞翠微朋儕戀攜手談笑愴忘歸忽動驚秋意風林葉已飛

秋日郊行

平蕪落落野煙環
稻穫雲空指顧間
隔岸人呼秋水渡
倚樓僧看夕陽山
霜高鷹隼凌霄健
風淡牛羊出牧閒
行處滂傾村店酒
帽簷插得菊花還

送劉中台如羊城

君且掛颿去蕭齋
吾自安月明人不見
江上柳初寒小別豈
須惜中懷渾未寬
興來發清詠早寄故園看

題劉松崖廣文

鶴鳴

遺稿

廣文吾邑人以孝廉司鐸欽州

緣事株連戍楚後免歸逾年卒

有客遺我一卷帙披之清瑤共明玕灑落湖湘
數千里江山跌宕爭染翰冰雪聰明淨肝膈鳥
獸風花齊落刊有如皎皎雲中鶴迴翔冲漠隨
所安又如露冷芙蓉泣孤芳獨立淒江干胸吞
雲夢空八九歸來井里俱蕭寒我家羊城阻一
水臨流飛楫思瞻韓人生覲面信有數公條長
逝餘悲歎至今此懷尙耿耿檢點瓊玖縱橫觀

空山野猿夜嘯嘯蠻烟瘴雨秋闌珊淪落何人
發潛德慷慨欲附青雲端掩書一坐三歎息西
烏忽墮天將闌

城南卽目并訪高澹雲

小住山城過半載郭南風物未曾經
苗翻曉露紛披綠山出寒煙次第青
禱藥叢祠連古木賣魚村市隔迴汀
故人去此幽居近試逐閒雲一

叩局

秋懷

客子逢秋感亭臯落木寒江鄉牽夢遠書札報
親安白露淒蘭芷高風肅羽翰蹇誰此畱滯烟
際爲盤桓

夜坐有懷

嶺海秋猶熱連宵看月明風林吹籟遠山寺報
鐘清阮籍狂終累林宗行獨貞永懷思在古遙
夜起雞聲

促織

促織伊微甚誰令徹夜吟依人寒漸至近戶露

初侵清響半牀月無衣獨客心年來幸相警吾
臥北山岑

歸興

未得飄然五岳遊年來江上賦離憂一身作客
方青鬢七十慈親已白頭交友澄懷通寤寐登
高佳日過春秋梅花開遍將歸棹又上天南百
尺樓

月夜與竹孫吉士遊桂峯

到山山月冷山僧下山去滿山松柏香蕭蕭不

知處

懷劉中台

白露望無已伊人猶未回
一從臨水別開盡故園梅
書札兒童報韶華旅次催
客心何所動應起菽蕭懷

獨坐

冥冥烟景大江濱真覺天涯作比鄰
湖海生才誰是傑家山高臥又逢春
鯉魚遠憶供慈母香草何繇貢美人

謂竹孫館羊城

獨坐一園歌寂寞感時

花鳥澆相親

喜蔭亭二兄自懷集歸越日余返香山館

舍

春寒三月換征衣
襪被初從海上歸
經歲別離疑夢夢
百年兄弟共依依
闌珊風雨沾新酒
拂拭琴書下舊幃
明日家山余載道
江天回首又相違

海天吟

南溟萬古滔滔流
中有三山日照之
神洲仙人

騎鯨歛隱見破浪忽到東南頭鐵城錦水一都會羣山萬壑開遐陬七星峯上瓊花發五桂巖邊琪草幽疑從十洲三島分此境離離員嶠波間浮金屑垣桂花村香山別號何須秦時桃花源我住花村最深穩夜夜海月照我門珊瑚寶樹出海底明珠簸弄蛟龍吞天風吹月海山白仙人與我傾芳樽遙指海水千尺深琅琅高歌海天吟海波連山高接天天上靈妃顧嫣然會當乘槎牛斗邊

估客行

估客遠行役隨風到海隅多緣賤異物不貨大
秦珠

詠一鶚 并序

廬陵張千載號一鶚文山友也文山貴
時屢辟之不起及難潛見文山曰丞相
往燕千載亦往三年居囚側饋飲食授
命之日置一櫝藏其首并求夫人骸骨
弄歸其家以葬

文山善得友貴不忘平生十徵九不至季世難
爲榮紅塵忽蔽日丞相之燕京一去知不返慷
慨遂偕行三歲濟其阨豈渝金石盟大運不可
爲天地何冥冥丞相已千古挈櫝悲南征患難
生死間然後見交情君子重信智卓哉後世名

夏日雜詩

離明炳萬物草木長微陰炎炎勢方盛消息遂
相尋始知不竭歡君子用意深閑居玩物理太
始妙無心

君平遂於易賣卜成都市非徒事沉淵深明進
退理飄然身世間退處道在邇懷古發浩歌濯
我滄浪水

脩士坦幽抱與世久無爭寧必效執雌強梁終
自傾循牆意益恭庶免外物櫻善觀人我際萬
類得其平

六合匪云廣閨門寧易之六軍良可御戶庭或
不治相形豈見緇才德互有宜觀人於所忽吾
道謹其微

當境有至樂超然與物俱隱几繁陰覆好鳥鳴
當廬名園我獨涉心境日以舒天游不淡泊此
中有華裾智者苦不足愚者常有餘

儒者矜富博搜羅患不極大道本至情六經詎
雕飾春華靡秋實根柢所當植開我白雲篇清
暉照顏色

與友人夜坐

孤館由來喜得朋更教一雨洗炎蒸寒蠶依草
嘯清夜涼葉侵簷暎夕燈北郭買田談輒易南

山射虎愧何能蠻箋灑遍詩千首足沁心脾六月水

橫逕

橫逕名官渡舟行此日經半篙穿港小一水入天青市晚魚鰕聚江深草木腥忽看風水急飛棹去冥冥

歸舟寫望

平楚青蒼外飄然秋色來風煙衝鳥沒天地蕩潮迴擊楫中流駛歸心一葉催却從黃木渡直

溯粵王臺

偕方竹孫過天池菴弔其從兄子谷先生

天根

不緣選勝遊南郭爲拜詩人特地過十載神交
生死濶百年涕淚弟兄多蒼山寂寞餘文藻古
刹荒涼惜芰荷落日西風禾黍外蕭然歸路動

悲歌

天池芰荷香山入
景之一今蕪廢

舟泊環澹

環澹村前秋水深青蒿短短竹森森西風吹起

野蟬噪日午移航松樹陰

遙看別浦點青楓信宿停橈好友同舟子慣知
詩客意溪山勝處盡推篷

八月十四夜月下感懷同朱竹坡戴若虛

兼寄許生乃普

織雲不起漏無聲象緯高寒逼太清秋色忽生
千里思月光猶欠一分明棲遲海國宜朋友悵
望風塵感甲兵徙倚空庭同浩歎花枝漸覺露

華盈時有博羅
會匪之亂

自題畫

收拾雲烟畫裏闌
平泉幽石竹林間
千峯萬壑胸中起
下筆依然遠澹山

舟中呈許菊船先生

畫舫中流自在行
波恬風靜一帆輕
山如好友沿途送
官似澄江徹底清
座有神仙欣共濟
胸無畦畛快同傾
菡花楓葉斜陽外
又聽漁歌第幾聲

詠牡丹

看到兒孫未易期
雕欄珍重護芳枝
沉香亭北風流甚
只剩清平絕妙詞

白雲寺題壁

路轉峯迴見石梁
樓臺深處是仙鄉
曉行人帶烟霞色
雨過山含草木香
梵磬數聲傳澗谷
酒家隨地隱松篁
雲端縹緲留三宿
環佩天風境不常

秋日過三元宮山館聽越塵道人彈琴

時越

越岡之麓屋數椽蕭疎草樹涼娟娟青山一角
橫竹牖殘陽半壁聞風蟬高秋過此不忍去道
人招手何歡然棲心早歲遊物外風姿俊爽神
高騫道書愧我未曾讀石室且喜來談元清琴
妙得沈夫子飯罷爲我彈五絃平沙古調最清
越恍惚雁落涼風天遲迴更奏漢宮秋和平幽
怨情意傳聞師正有羅浮興抱琴好坐飛雲巔
黃龍白鶴在眼前琪花瑤草紛巖邊石樓三更
日已懸鐵橋縹緲來羣仙此時左顧白玉蟾右

挹葛稚川何必海上呼成連嗟余安得躡屐從
師往四百峯頭吹篴眠

奉陪魚山先生泛舟遊珠江作并柬主人

周述山廣文

鴻顯

清晨理孤棹朝暉已在浦萬里開晴雲了然見
洲渚垂流攬靡極長川若紆組同舟儼羣仙敞
筵騁樓櫓中間欵李膺四面嘉賓輔勝遊愜良
辰臨觴歎賢主遙遙望花田隱隱聞香杜迢遞
探瓊林迴轉玩瑤圃舒眺曠雲淵宣豪颯風雨

但使去害馬豈足悲代序遙山忽暝色霞彩紛
軒舉衆鳥欣已歸吾亦返容與

酬譚康侯 敬昭

湛若誰堪似南中一謫仙斯人歎長往逢爾復
超然風雨三年契鶯花二月天清芬良可挹况
贈白雲篇

魚山先生過臨敝齋並述家報賢嗣抱恙
爲誦二律賦此以謝兼卽奉慰二首

孟夏掩精廬蕭條靜讀書清光先照座長者忽

停車世態論蒼狗詩辭感鯉魚還憐稚子拜瞻

仰禮何踈

時命門人
諸子謁見

聞道家書達開函悵遠音由來慈主愛况以疾
關心勿藥終當喜攄懷且付吟翻合思罔極爲
父最恩深

風雨歎

蛟龍怒激海水立海水升天天雨泣颺風蕭颯
擾不寧鎮日滂沱夜逾急醒來驚視何泓然蒼
頭稚子水中集脚底皆作波濤聲牀前疑有江

流入堂池室沼連庭除未看化龍幾化魚兒童
游泳但狂笑先生感觸增長吁昨夜知交走避
此翻以此地爲安居還憐瀕海萬家室牆傾屋
漏當何如襪被衣裳半捆拾耶孃妻子相提扶
剝牀以辨切近膚飄搖無定何行乎欲叩巫咸
上天衢九閻隔絕誠難呼雲氣沉沉瀾碧虛願
訴愚忱布區區雷公一聲振天鼓颯師四面迴
雲車颺收雨止海邦晏皇穹降鑒民其蘇

同譚康侯過城西新安客館園林兼訪張

南山同年

暇日偶作西郭遊行同美人銷我憂瓊宮閬苑
去人近入門景色迴深幽獅子林疑分一面英
石山可行四週過橋穿徑入修竹板崖陟磴升
朱樓如虹複道空際轉似黛遠山欄外浮同行
清魂恍不定盤旋忽下平林陬朱魚俯仰呼可
出一池止水澄清秋道人無言兩相對形忘意
釋神爲謀殘陽吹過雨數點拂衣更訪雲鶴儔

有感

氛祲冥冥未息烽端居莫漫恃崇墉流亡聞者
皆傷氣姑息前人實養癰窮寇有時思納欵閒
田無地可歸農富藏四海 皇家足勿惜軍儲
事折衝

附錄

乙丑四月十八日奉過子實明經世講書
塾譚次爲誦拙作聞履兒病二詩次日
承惠五律二章以解悶懷走筆次韻以

謝

欽州

馮敏昌

魚山

羈人感故廬兒病况傳書爲訪無雙士還欣

富五車懃心螟負羸

時觀齋壁所書訓課諸條甚至

拙智木

求魚分手高城隔徒聽夜柝踈

雅有芝蘭氣重貽金石音觀濤同妙筆舐犢

笑愚心况以天資厚如傳風木吟

佳篇結句云翻合思

罔極爲父最恩深此以見君之孝也

因知江上水未比故情深

嶺海樓詩鈔卷之二

香山黃培芳子實撰

番禺黃喬松編

王山行

王山訛玉山玉山固嘉名豈知當年號王山王
山迢迢呼鑿聲虎戰龍爭逐秦鹿越王建宮茲
山麓南漢劉郎相代興栽遍芙蓉與甘菊王山
從此浪得名髣髴靈旗飄左纛霸業烟消經幾
春我暫與山作主人風花爲伴鳥爲友雲林是
宅山是鄰興酣夜抱青天月不知有漢寧論秦

山畔植紅棉花開麗雲表何人朗朗山上行天
半朱霞相縹緲

應元宮山館春曉口占

朝靄千重圍玉樹晴霞百道繞珠宮先生似住
神仙界萬井春烟一望中

自題粵秀山館

紅塵不到維摩室深入松門日掩關繞屋扶踈
三面樹撲簾青翠一房山客來紺宇瓊宮上身
在雲窓霧閣間對此世情何足問斷霞飛鳥去

閒閒

哭馮魚山先生

錄二

哀訃傳來隄自驚百年宗匠失先生珠池海外
終朝竭銅柱天南一夜傾止見鱣飛寧見鵬是
騎箕尾定騎鯨捐館之頃人見白氣升天江門絕學誰其嗣
惟有沾襟涕淚盈

身後蒼茫付與誰羣賢經紀事堪悲蓋棺定論
真無愧殉研鐫銘尙有辭欲返靈車愁躅蹶兼
憂嗣子病支離問存弔死情何限况是淪亡大

香石詩鈔

卷二

二

雅時

奉贈鄭侍御貫亭先生

天南正氣著蘭臺松桂林中見雅材
驄馬乍從

京國返素車旋別故山來

時赴弔馮魚山先生

朝端風度

張金鑑海內文章董玉杯梓里蒼生皆引領仁

言還望澤蒿萊

將雨

山雨尙未來山風已相逐榕葉吹滿庭榕子飛

打屋

粵秀山遇顯秀上人

涼月隨人至空山撒手行行行逢惠遠落落話
平生林暝淡如此天風吹轉清相期開白社過
從有淵明

胡薦秋以便面索書未幾而逝因題一絕
其上歸其家人焚之

六角求書書未就江天何意少微沉題詩寄與
泉臺上一片延陵掛劍心

靜夜獨詠

幽齋讀書罷迢迢玩芳夕空林月影踈雨後葉
微白遙山隱薄暝近沼上寒碧流雲濕玉階庭
際虛明積坐久生靜機鐘聲度巖隙

初秋遊北郊至白雲全張生之廡段生佩

蘭

奚囊理罷最蕭閒戶外今朝列翠鬢天半陰晴
思出郭秋剛淺淡好看山寒林古逕村三折小
店平橋水一灣况值安期生日近不辭杖策到

雲間

贖人行

海上盜船動盈百東西南北候過客相逢礮火

聲轟天萬衆齊呼飛過船人人土色心膽裂短

刀交下白如雪盡掠財物兼捉人捉人上船佯

怒瞋奴顏囚首見板主賊首稱號板主頭裹紅羅巾

貧富詰罷各乞命千金百金贖一身大呼紙筆

作細字索取百物限浹旬逾時不贖剖腸腹速

寄家書歸至親典衣貨產并哀貸拮据措置潛

悲辛遣人入海與交易但得再活寧論貧更有

細民居海畔日日驚惶四逋竄夜匿荒山洞裏
眠晨歸破屋茅中爨盜船惟向炊烟來奔逃不
及遭羈絆老父畱贖兒放回速賣耕牛數虧半
含啼鬻子僅取盈老父歸來苦家散人亡財盡
四壁空不死兇殘死困窮君不見兵船西盜船
東兵船候潮盜船乘風兵懦或退避盜衆還相
攻不恨兵船不得利但恨不見黃總戎

謂黃
公標

九日張靜山守戎不招同諸詞人玉山登

玉山未減龍山興，吹帽何人是孟嘉。名士能來吟白社，將軍端不負黃花。晴光草樹開三面，秋色樓臺擁萬家。爲我海天舒眼界，振衣長嘯動

烟霞

是日開鎮海樓延客眺覽

冬夜同友人聽琴歸山館玩月

古寺鐘已悄，梅花香獨微。山空看月上，衣冷聽琴歸。良友淡相對，素心殊未違。夜闌渾不寐，幽興滿巖扉。

春草

香石詩鈔

卷二

五

延緣一帶似裙腰綠匝蕪城第幾橋
仲蔚閉門蓬徑細王孫歸路馬蹄驕
無邊冉冉思千里不盡青青送六朝
底事獨遊南陌後香車過處總魂消

青袍鵲綬淺深同齊剪柔條一望中
惹起新愁溥溥露吹將芳恨入東風
蘼蕪休問登山綠葵藿惟知向日紅
安得忘憂言樹背故畱春色礙簾櫳

蘭澤初生動遠思行吟到處共離離
送人南浦

波平岸憶弟西堂水滿池翠柏暗連諸葛廟紫
苔空護少霞碑龍堆萬里漫天長惆悵深閨知
未知

雷塘眺盡欲凝烟燒沒痕平又一年高士下簾
虛陋室佳人拾翠墜香鈿東郊日暮羣鷺亂南
苑春深獨雉眠待訪武陵迷去路桃花夾岸碧
芊綿

金溪卽目

有客輕舟雲水邊空濛載入蔚藍天珊瑚影逐

春流亂十里清溪放木棉

夏日遊蒲澗同家志平秀才李陽谷兄弟
越塵虛谷二道人作琴酒之會

初夏生微涼芳原散晴旭偶約素心人探勝白
雲麓錦囊貯絲桐匏樽載醺醪到山日卓午旋
折入林谷澗深不受日厓崇交蔭木石氣鑑人
青山翠點衣綠對坐白石間流泉清繞足橫琴
淨蘿磴一觴彈一曲坐想避秦人曾采菖蒲服
仙真去世遠寒巖賸殘馥坡老舊題詩雲外畱

芳躅逸興無古今幽期謝榮辱何年賦借隱來
結山中屋

歲暮北郊口占

人家歲事各匆匆我獨看山落照中臨路店邊

呼酒坐桃花不似去年紅

地種臘月桃

入羅浮宿九天觀

羅陽溪口乍停帆路入元都迴不凡初辱名出

爲地主竟將仙客署頭銜

余到觀卽署號九天仙客

當門曲

澗環踈竹背嶺高垣列古杉滿日烟霞煩指點

題詩明日遍層崑

羅浮放歌

我思太古洪荒來川澤融液山胚胎水流山峙

天地奠更有離合何奇哉

昔人謂羅爲主山浮山自太古浮來或云

堯時堯時九年嗟湏洞禹甸九土猶蒿萊水患懷

襄極汎濫山疑飄蕩無根茆相傳神山在渤海

三峯上聳金銀臺一朝蓬萊失左股南溟湧出

浮崔嵬巨靈有意故附會羅浮合并難中開鐵

橋橫亘入雲漢造物好奇爲此玩兩儀原自太

極生二山定有元精貫曠觀五岳鎮中原衡山
乃在諸夏半羅浮徒以佐命名傑出空負炎州
冠北岳既臨北地隅南岳合居南海畔不爾當
推粵嶽崇肇錫嘉名成壯觀仙居第七古洞天
畸人逸士求神仙稚川獲得丹砂日安期不遇
祖龍年竹符丹竈本荒忽靈禽異蝶還蹠躑逃
名洗耳來古澗盡醉賣酒餘平田當時周濂羅
章濂諸鉅公流連景物茲山中儒先豈有烟霞癖
山水偶契仁智胸粵洲祖泰泉翁居山著述侔

化工圖經特爲闢真面賢關何意埋荒叢

先祖
粵洲

先生嘗隱居山中著三五元書皇極管窺等書
文裕公繼此講學關秦泉精廬修山志著圖經

弟子黎民表爲之
註山志由此始傳今秋我來追竒蹤遙探四百

三名峯飛流萬丈白練素列岫千朶青芙蓉出

門前導呵啞虎入室近玩摩銅龍忽看雲氣驟

彌合翻似海色翻鴻濛陰晴朝暮各變態淡濃

遠近紛脩容荒村幾度綻梅萼古亭盡日吹松

風蠻烟蜚雨憶坡老參橫月落懷師雄我生未

得遊五岳五岳披圖思大畧莽蒼崇宏定有餘

幽秀靈奇當不若我與山靈信知己山靈於我
如有約使我來時風日佳天公爲我淨林壑題
詩何必碧紗籠放懷且倒金樽酌

粵嶽頌

并序

史遷稱羅浮爲南岳佐命屈氏直欲推
爲南岳余謂羅浮粵望也可稱粵岳迺
爲之頌

斗南一嶽天外三峯子夜觀日羣仙駕龍

望飛雲頂

飛盡千峯雲突兀，轟天外浩浩元氣通。上與真
宰會作鎮雄百蠻翁，闢仙境大偉哉。盪吾胸騁
眺入青霽。

洗耳泉

閩人林民止爲葉
化甫先生題泐石

泠泠洗耳泉，耳洗心逾清。自足空谷音，殊異巢
父情。當年築逃菴，非爲學無生。時違道在隱，遑
計後世名。我來希高蹤，於斯濯塵纓。山泉信知
意，千載流幽聲。

題東坡山房

東坡山房一物無一房山盡屬髯蘇朱明洞裏
來遷客風雨山中入畫圖當日棲遲如病鶴有
時灑掃待麻姑瘴鄉萬古魂應在欲薦寒泉一
束芻

山中書懷

九齡渡南溟已豁觀海日三十登羅浮高舉凌
雲躅山海得壯觀志不囿鄉曲登覽神飛揚幽
情滿巖谷欲抱十萬卷來此山中讀胡爲役形
骸擾擾塵境束

梅花村

如羅山色綠雲遮，尙有烟村四五家。
冷月曉風村外過，美人殘夢遶梅花。

黃龍洞

聞說劉郎昔夢龍，黃龍何處四山封。
龍歸山尙傳遺洞，山僻龍應化古松。
百丈虹飛泉到地，千層雲聳逕盤峯。
欲窮林壑探無盡，怪石澄潭綠萬重。

遊華首臺至飛雲濺雪處

來探華首路修徑環綠陰仰視不見日數里蒼
雲深行經雨花橋流泉滙泱泱如聞風雨來琅
然四山響路盡寺尙隱石峙門中開羅漢聚四
百天花散崇臺雲堂小憇罷香積通後嶺深入
合掌巖幽邃非人境澄潭墜霜葉峭壁飛雪條
臥石聽琴筑青天雲沈寥

遊五龍潭觀羅浮二字大石刻

龍潭清且寒毛髮颯可辨上有十尺字磨崖作
秦篆仙人時來觀萬古積蒼蘚迢遙望山色鐵

橋隔絕巘安得騎龍飛雲間任舒卷

佛子嶼

名山亦設險佛嶼勢盤固羅峯行漸北雲逕百
盤度暫息磴道旁懸崖陰孤樹白茅風蕭蕭知
有虎豹路登頓陟危巔形勢豁呈露內衛一洞
寬浮山特屏護往年騰妖氛王師此停駐兵
氣久已消指點屢迴顧草木生仙區何致委烟
霧乃知巨靈意設此不無故斜陽下平坂神竦
雲中戍

題酥醪觀小樓

并序

仙人好樓居而羅浮頗妙精構道人江
瀛濤築小樓於酥醪觀之陽擅一洞之
勝余顏曰浮山第一樓酥醪故葛洪北
菴昔安期生與神女觴此

羅山踏遍少樓臺洞入酥醪傑構開萬壑烟雲
浮檻出半天松竹拂窓來稚川此地曾高臥神
女何年更舉杯我且置身高百尺憑欄清嘯動
林隈

自凝碧潭至煮石處

俗名
石竈

捫蘿緣溪行行逐麇麇迹溪潞忽成潭千載照
人碧高崖積翠寒迥與人境隔山骨何年穿玲
瓏現竈額石嚙水逾急湍澗水激石天風吹雪
花仙人煎玉液

小蓬萊

蓬萊分一股羅浮鬱輪困更有小蓬萊乃在浮
山垠道人導我往初入纒通人路盡豁開朗巖
壑紛嶙峋前後環峻嶺左右迴激湍清泉流澌

濺白石磨粼粼喬木入圖畫幽絕疑無倫坐臥
水石間耳目皆天真古磴造平坦良田闢畦畛
一峯如翠屏千竿長綠筠結屋三五家疑是無
懷民盤谷無此幽輞川迤其淳契我竹柏懷妙
遠怡心神何須理煙棹更問桃源津

忘機石

窮源屢行谷底入山已到雲根一石下臨飛瀑
兩人對坐忘言

浮山古銅盤歌

酥醪觀道士
江瀛濤濤贈

安期遊戲挽銀潢招邀神女傾天漿呼吸山淥
仙露涼滿山化作酥醪香羣仙來睨相翱翔遺
下銅盤埋土岡仙人法物竟沉陸春雨龍耕破
山腹千年久塵白雲深一朝忽見榮光燭道人
拾取濯溪流隱隱苔紋起寒綠珠宮紺宇藏古
珍瓊笈雲房同秘籙道人瀛濤豪俠儔慨以此
寶歡見投我昨來從丹竈遊遺磚曾獲山之陬
得毋仙家不我拒重使神物能兼收百回摩挲
知不厭二難合并還何求攜歸尙帶烟霞色觀

者流連生歎息從容吟嘯置坐隅細檢爛斑土
花碧從此幽齋多古情芳樽同伴風月清君不
見漢武銅盤空折取九霄飛露寒金莖

自酥醪觀出山是晚至增城

壺天小住雨絲絲候得新晴出洞時流水亦知
遙送客名山難定再遊期千峯高處行偏健百
里歸程去獨遲晚抵增江殘照紫瓣香還展菊
坡祠

羊石講院書事

嘉慶戊午劉樸石師在此
主講時余及門今歲戊辰

余復忝
主此席

風光依舊冷元亭十載重遊憶弱齡我愧黃童
非博學世推劉向善傳經新花帶雨栽三徑細
草和烟活一庭手撫梧桐今已長棲鸞孤榦竦
青青

秋曉大霧山行

俯窺疑是海滅沒露前山大霧連空積崇崖破
曉攀漸看紅日起高掛碧松間回首來時路雲

飛片片閒

二十八虎圖

東莞宗人友竹善畫虎人戲以黃老虎呼之

市上轟傳黃老虎有客驚聞氣先沮誰知一老
寫閒愁愛把山君描作譜譜自爲圖二十八一
一丹青奮威武從風隱霧各有時盡相窮形亦
何苦故應畸人別負奇奇氣向人無處吐填胸
但覺星宿羅揮毫遂與雲臺伍庸奴俗子相戲
嘲對此眈眈胡敢侮馮婦重來定下車李廣遙
驚空沒羽須知解鈴妙有法寧教履尾爭逢怒
圖成入市換酒來擲筆傾樽酣起舞

戊辰歲暮重遊羅浮

歲暮方輟講遊興如有神儻問家人業意氣何
時伸黃冠適招我高堂告慈親親言終歲勞許
爾暫閒身飄然攜笠屐漸遠世路塵君看武陵
叟重來已迷津我復遊仙山寧非澹蕩人

四百三十君一見先歡然問我來何暮揮手開
雲烟行行入深處猿鶴導我前此來務絕幽無
失背與肩泉石如有待一一爲銘鐫

初入酥醪洞梅樹如瓊瑰小住三五日桃花招

繼開洞中本常春非關春意催隱几明窓下皎
潔無纖埃夜來月照席不寐空徘徊仙風吹暗
香美人來不來

言遊白水門羊腸不易度道人知我意猺子先
葺路飛流破空下千仞拖練素峯頭多杜鵑開
時燦春暮近睇上界峯咫尺若可赴天風忽吹
雲四山墮烟霧隱隱雨將至不得騁高步冒險
宜可行遺體當自顧

武林有胡生寂寞淡心迹自言寡所營獨有烟

霞癖一朝不我期邁往踰宿昔跨步飛雲巔清
風生肘腋歸途猝有遇草笠青衫客相呼不相
識相視心莫逆古洞謁黃仙儼然此標格平生
慰所願仙緣紀貞石何時同驟鸞點破寥天碧
水砦僻逾勝梅谷邃彌幽竽籟蕭蕭動琴筑涓
涓流白雲眠英英翠鳥鳴啾啾衣裳藉蘿磴坐
久心悠悠山深不逢人來往空夷猶

山中卓錫泉坡仙稱第一前遊惜未嘗今來胡
可失掬水弄清淺啜飲甘芳溢瀛師信解事銅

瓶爲我汲贈我儋石歸厚意踰萬鎰歸來餉餘
子天漿幸同吸

我欲飽看雲天公催作雨蒼鬱彌萬壑變態紛
可數如翻渤海濤忽曳長天組一峯乍羃頭一
峯倏露股雲生旋雲滅峯峯互吞吐雲中誰往
還隱隱聞仙語願隨雲中君飄然事高舉

酥醪十境詩 有小序

江瀛濤道人品酥醪爲十景曰酥醪洞
天蓬萊邱壑茶山飛瀑梅谷幽蹊山潭

凝碧石竈煎瓊水門春花符峯晚照陂
流寫韻澗石忘機余爲作十境詩

山深世隔懷葛爲鄰醉餘香露松竹畱人

酥醪洞

邱壑幽杳洞門鎖春遊人大千誰其問津

小蓬萊

空山天籟風林蕭蕭飛流不斷惟石嶢嶢

茶山

幽谷人來樹下成蹊采采菖蒲深澗雲迷

梅谷

誰將翠黛點破山骨千載澄泓照澈毛髮

凝碧潭

春山濯錦水流花開一條白龍天外飛來

白水門

仙人歸來自煮白石融液天漿可與共食

石竈

壘石爲砦滙流成陂孰奏鈞天風水漣漪下陂

茅坪雨歇衆嶺含烟返照入林高峯蒼然符竹

雲根選勝石巨泉飛何必漢陰到此忘機忘機

酥醪觀中贈胡栗堂

栗堂山人性孤矯愛向羅浮散襟抱山中并坐

清晝長爲我行滕開墨寶以詒晉齋饒吳穀人先生詩墨蹟見示

鳳翥龍翔下衆仙烟霏霧結擣春藻 天家辭

翰不尋常題詩特送錢塘老傑句應推海內雄

長篇劇愛河間好兩山風雨合復離對此真同

冰雪澡酒熟不聞神女來庭閒擬待麻姑掃梅
花未落桃花開天壇永歲生瑤草看君神氣朗
若仙風骨峻崢嶸異枯槁明年更道上天台此行
已共登蓬島君歸持此質詩仙

謂吳穀
人先生語雜烟

霞愧探討

嶺海樓詩鈔卷之三

香山黃培芳子實撰

番禺黃喬松編



謁南海神廟

朝日出扶桑扶胥浴日光百川爭赴海四瀆首
稱王燾影飄瀛甸碑林立廟廊巍巍崇貝闕凜
凜肅朱裳馬鼓銅傳漢韓文石重唐我來三倚
棹此度一登堂山峙圍叢木亭高瞰大荒虎頭
雄作戶巖背聳爲梁澤暖魚龍變天空雁鷺翔
風帆迷出沒烟水混蒼茫元氣通噓噏神功協

雨暘共覩中國

聖無復海波揚祭告隆

昭代聲靈溢外洋
永維安地軸歷久燠

天章

春遊

杏花天氣柳絲風
上巳春遊四野同
羅綺踏青山色裏
耕犁叱犢水聲中
當壚到處逢
村女挈榼誰家祭
鬼雄多少播間誇
富貴吹簫歸趁夕
陽紅

畱侯

人逢墮履過橋邊
孺子書從夜半傳
相漢未施

三畧竟擊秦空逞一椎先心懷故國誓終報儲
定商山計自全豈有英雄耽辟穀不遭夷僂卽
神仙

舞陽侯

耘鋤海內共扶劉噲伍何人尙可羞曾輔斬蛇
先作帝爭教屠狗不封侯九重直入回天力十
萬橫行出塞謀凜烈鴻門生氣在翬肩卮酒足
千秋

南海神廟歌

南海之神名祝融進秩王位超三公玉殿金兒
廟貌崇朱裳青纒氣象雄扶胥日出光瞳矚照
見海底明鮫宮鼉鼉爲梁駕穹窿萬靈趨走朝
鴻濛廟中有鼓鑄以銅馮夷擊之鳴蓼蓼歲時
報賽奔村翁百戲駢集寶貨叢忽報賊艦來艤
幢虎頭門颯旌旗紅驅逐士女號悲風縛執驚
竄哀途窮妖氛氣燄方上沖我願告神神聽聰
熙朝牲幣潔且豐神主海疆奠羣蒙胡不震

電交相攻風馳雨驟鞭魚龍瀾翻海沸除殘凶

鯨鯢殄滅迅掃空逋逃藏納理豈容真宰呼吸
如可通神其効職歌和雍

夏晝卽事

古屋陰濃綠樹交萬荷香氣散堂坳湘簾半幅
無人捲風曳金鈎細細敲

門人輩錄余詩合張南山譚康侯爲一編

漫賦一律

諸生多愛誦儂詩更喜張譚得並時清廟風和

聞瑟奏

山南

銀河秋淨倚笙吹康侯不嫌臭味差池

別湯擬雲龍上下隨平實縱橫吾豈敢正聲千

載足相師

程鄉顏湘帆題余詩卷云解道風騷有正聲最平實處見縱橫

自題嶺海樓二首

地爲先文裕公寶書樓舊址

樓接雙門氣鬱蒸雕甍相望勢飛騰

近拱北樓

黛色當秋見珠海潮聲入夜磨敢道元龍高百

尺寧同宏景臥三層遺編可寶承先志祖德難

忘愧後興

鄰園擁翠滿林隈坐對晴窓盡日開萬卷圖書

探架得兩朝風月閱人來做廬世遠仍吾屬窮

巷居深任客迴長嘯鸞凰聞海國高樓真喜隔
浮埃

溫謙山舍人招同李秋田顏湘帆遊西樵

賦贈

龍山老詞客風雅久相聞七十二峯裏招余看
白雲長風送仙侶片席掛斜曛攜有羅浮杖登
堂一贈君

西樵白雲洞觀瀑

陰崖幽闕虎豹蹲誰劈鬼斧開一門攀林陟磴

始到此跨流飛度窮雲根四圍石壁倚天立忽
裂石骨傾靈源仙人偶在山上過天瓢悞向雲
巔翻百尺斜飛破空下瓊瑰倒瀉驪龍奔山靈
一洗萬古俗振蕩林木清心魂昔我東樵展高
步水簾瀑布幽且繁九百八十看未足還來此
地觀潺湲白雲冥冥滿岩谷雲容水色相吐吞
探奇得此復歎絕七十二峯休更論

遊安期巖同陸春圃李秋田李東田徐又

白畱宿

蒼蒼松竹徑一路到巖扃跨鶴懷仙客看雲上
古亭月懸終夜白人宿萬山青諸子高歌罷流
音入渺冥

倚山樓夜起

樓倚雲根結構牢秋林夢醒夜蕭騷白蟲漸響
萬峯寂自起開窓山月高

贈徐又白

青

看山曾共宿雲扃吟向山樓爾獨醒筆似韓公
貌東野近來詩客愛徐青

三到羅浮口號

名山似約我長來
四百芙蓉拂面開
儻遇麻姑話塵世
三番清淺見蓬萊

登羅浮絕頂

并序

嘉慶庚午臘月十二日夜宿黃龍觀曉
起欲登絕頂延緣攀陟身入重雲鬚眉
皆濕是日乍陰乍陽諸峯出没詭異皆
以雲爲變滅下視老人峯倏露半面倏
現全身俯仰拱揖飄飄欲動同行伴侶

前者已出雲端後者尙墮雲海呼聲笑
語斷續雲際比至絕頂忽然開朗皎日
當中一覽萬里瞻眺半晌白雲復合咫
尺不可辨矣因憶衡山雲閉曾爲韓昌
黎開今適相似亦奇遇也

凌晨指日望氤氳直訪羅浮四百君南斗以南
推一嶽北山之北入重雲極天迢遞中峯遠轉
瞬陰晴萬壑分咫尺已迷前去路祇應鸞鶴半
空聞

千盤萬仞鬱崔嵬
馭氣排空絕頂來
且喜神山還日照
儼同衡嶽忽雲開
側身霄漢天三尺
俯首滄溟水一杯
共說紅輪輝子夜
扶桑東對好徘徊

羅浮雜詩

小住神仙界
飄然遠世氛
泉飛千壑雪
人臥一樓雲
樵斧連山響
鐘聲隔水聞
松陰來往熟
蒼翠落紛紛

峒容逢猺子
山神拜伯公

土人呼山神爲伯公
薰藤閱斲

杖射虎暗埋弓雲霧茶香別

山中有雲霧茶最為上品

黃精

酒味融何當招抱樸揮手看龍葱

竹名

閉戶山仍在門開綠作屏老梅連夜白高竹入

冬青賓客惟麀酒兒童學誦經長生閒處得底

用問黃庭

舟泊扶胥

天外人歸四百峯扶胥渡口駐行蹤烟深古廟

時飄燻燈出遙林正打鐘一棹星河圍水國三

更風浪湧魚龍雞鳴催動咸池日起看霞光已

萬重

讀吳梅邨豔體詩

織錦迴文絕世無容華爭欲比羅敷何堪風雨
靡蕪綠泣向空山憶故夫

讀錢蒙叟觀棋詩

祇宜局外寄閒身眼見長安局又新算劫是誰
差一着殘棋休說六朝人

南屏鄉行

故園有客來欸屏坐談鄉俗論是非世情倚主

每凌客惟有南屏猶庶幾古老相傳數大姓千
家日久來相依鄉風揖讓尤敬客富貴加禮貧
不欺僑居入市購百物遜讓不復爭鮮肥初來
生計苦迫促過門相呼出漁磯日覓升斗漸羸
裕頓改棟宇迎寡妻夜半穿窬偶肱篋鄉人追
捕還陪貲大書禁約勒祠廟神明炳鑒人共治
嚴絕淫盜戒游博違者衆惡加鞭笞往年海氛
遠告警築以土石堅垣圍今幸承平樂井里往
來童叟顏怡怡我聞客言心不違里仁爲美斯

可希有里若此胡不歸雲山蒼蒼橫翠微地名但
得誅茅地數畝無田可耕行採薇

貪泉行

清風矯矯吳隱之貪泉駐馬思夷齊情隨俗轉
下士耳藐茲泉水胡能爲特於一飲發其論平
生自凜山不移懷此有年未能往今春始得來
一窺遠山平楚出小阜不見古井惟汗池池荒
草蔓亦何有寒藤半絡將頽碑同遊云此非故
址雙樓石壓乃舊基嗟哉鄉人計何癡却憂俗

吏來飲斯非關供億奔命疲恐其一歎不自持
炎州今時異昔時鄉人雖拙心獨苦如此措置
良可悲無於水監於民監欲訪貪泉請監茲

清明前多雨有感

側耳千山響杜鵑清明節近雨連天松楸冷落
心先愴麥飯何時上墓田

謝陳品端道人寄卓錫泉

春流小舫貯瓶罌傳到魚書一笑傾寄我雲泉
知我意出山常似在山清

詠古六首

建策任囂往傳書陸賈來江山消霸氣天地產
清才百粵重離照千年景運開誰談經濟畧我
輩豈蒿萊

南征功第一慷慨馬文淵才大成偏晚窮當志
益堅峩峩見銅柱跼跼想飛鳶試過分茅嶺高
名漢代傳

刺史遷除日韓山俎豆時一生攻佛勇八代起
文衰瘴海曾驅鱷扶胥未勒碑趙區多造就儒

雅總堪師

天以爲箕子要荒此意畱山川多往蹟遷謫乃
其遊梅放鬆風外瀾迴渤海頭曾經公到處儋

耳與羅浮

余兩涉瓊海
三上羅浮

君看文丞相科名豈負人趙孤存一塊宋室有
三仁柴市忠魂盡崖山廟貌新風濤莽蕭颯憑
弔幾酸辛

碧玉高樓在白雲堪與齊淵源分泗水風月接
濂溪自有江河沛方知管晏低鳶魚任飛躍挹

取盡如攜

白沙子詩一笑功名卑
管晏六經仁義沛江河

題胡栗堂羅浮遇仙圖

絕頂看雲飛攜雲下翠微水邊招手處天外振
衣歸竟爾逢仙話飄然與世違至今開畫卷風
雨想依稀

與溫莊亭夜話卽送其入蜀

酒市歸來一笛風草堂相對夜燈紅千秋懷抱
思陳亮四海交情託孔融肝膽易傾真個儻悲
歌誰與話英雄時平道路無豺虎萬里重看入

蜀中

呈方伯曾賓谷先生

東粵隆分陝南城仰鉅公廣交天下士真見大

臣風此日論騷雅高名等華嵩溫岐傳好語鄙

樸愧黃童

公先介溫莊亭道意旋承先施

邗上題襟後風流又海濱尸來千里屨文接六

朝人學業生徒化

公以古學勉書院諸生

河渠政績新

疏玉

帶河六脈渠

事賢吾輩分吐握况相親

以浮山小志呈賓谷先生承貽以詩依韻

奉答

攬雲三度蓬山來神仙排雲相往迴四百芙蓉
一手握欲鑿山色非清才一編呈公謂可學高
談示我還丹藥黃鶴思騰天外身丹梯不插塵
中脚峯頭採罷雲霧茶石樓三更觀日華安期
神女觴絕頂酥醪酣醉迴雲車招邀贈我如瓜
棗延年最是仙家寶野人自愧慙於道寸芹可
羞等蘋藻願以轉壽公不老一代鴻名天壤保
公析名理如談彜廣覽海內名山川作爲文章

五音宣揮毫自是詩中仙仙才仙山相對待梅

花已放孤村前謝理崔鼎來作伴不須覓何時往

躡東山屐雲端特構粵嶽祠銘罷新宮伐貞石

余與同人構石室於羅浮絕頂以祀羅浮君顏日粵嶽祠尊粵望也公為撰記

讀家蒼厓詠羅格鄉六境詩因懷孔二復

之

與君同訪習家池又得清遊十日期花月亭臺

供載酒江天雲樹入題詩忽因輞水圖中景頓

觸山陽笛裏思看竹懷人今昔異龍雛欣已長

高枝

謂門人孔生繼光以古學第
一受知學使者卽復之子也

曾賓谷方伯建虞仲翔祠於訶林舊址敬

賦

陀城西北功曹宅舊植訶林有遺跡自從花木
換禪房風烟又閱年千百鐵塔塗殘南漢金菩
提飛盡蕭梁碧遊人到此禮空王久無尺土祠
遷容南城曾公今召伯百政具修興力役粵會
河渠濬廣深扶胥廟道築山石弔古花宮溯仲
翔重營棟宇捐金帛我衡割據思江東仲謀降

魏非英雄子敬公瑾窺大意其餘器識多凡庸
誰呵于禁芳被斥獨伸大節生英風夢吞三爻
善治易經義亦折少府融青蠅作弔終已矣海
隅長此嗟道窮天風忽見吹靈旗巍巍共快瞻
新祠大敞華筵集賓客肅將祀事陳牲犧羣材
相與詠其事鴻文公自爲之碑豈徒盛舉慰淪
落振刷頽靡當在斯得一知己可不恨千載以
下非公誰

飲劉湘華家賞梅

蘿岡梅花甲天下萬株香雪團林野茶山松逕
水飛流一樹繁花當路幽蘿岡未到茶山隔衝
寒且過詩人宅仙雲冉冉墮砌嬌天風泠泠吹
檻白花香酒熟正漉巾痛飲高歌對有神夜闌
月上戶不閉髮髯空山來美人

木棉十首

南天喬木鬱輪囷十丈珊瑚出海濱乍雨乍晴
三月麗如茶如火四山春祥光紉縵標丹穴正
色瞳矐拱紫宸極目層霄干氣象摛華彩筆

見精神

睽婆佛國種紛披黃始親從海舶移舊史傳疑
訛古貝嘉名別錫號班枝雲端幻出虬龍戲日
下飛來彩鳳儀一洗六朝金粉陋大文章耀粵
江湄

蔚然藻耀迴高翔藉藉聲華冠越裳五鳳樓頭
誰抗手衆香國外獨稱王昂藏直挺松筠節彪
炳全爭日月光崛起大材羣拭目天心曾不限
遐荒

陰陽爲炭鼓天風鑄向重離色最工粵國山川
渾錦繡炎州草木自英雄井陘赤幟誇韓信梓
澤明珠笑石崇火德先從春令布東皇濡染遍
南中

踏春會上粵王臺道接呼鑿綺作堆黃屋已消
偏霸氣朱花猶爲老夫開興亡閱盡無烽火龍
虎爭餘有劫灰嶺外奇觀推第一天桃穠李總
輿儻

南海神祠氣宇雄虬枝鐵幹護蛟宮百靈冠佩

趨炎帝十隊旌旗降祝融海日浴殘齊照水陣
雲塵去欲燒空遙遙定有馮夷擊銅鼓催開萬
朶紅

金屑城邊夕照斜模糊霜樹此停車六株指點
西山寺千載遺留宋代花香界慧光懸寶相碧
天奇豔奪朱霞蠻烟蛋雨都消盡氣吐長虹錦

水涯

香山號金屑城錦水出焉縣治
西山寺有木棉六株爲宋時物

舟行飽玩到金溪端州地名夾岸繁花踈地低春樹

蒸霞鸚鵡啄碧山如畫鷓鴣啼羣芳譜尙看寥

落古錦囊應入品題一路飛紅吹不斷東風回
首板橋西

宅我南交紀物華寰區難得此奇葩神海上
初昇日仙女雲中自散花但覺駐顏惟絳雪誰
知換骨有丹砂亭亭天際真人現標建層城矗
曉霞

天帝傾觴宴百神花神酣飲下蒼旻酡顏俯視
超羣木醉眼高臨小八垠煉氣成雲光世界飛
花作絮殿陽春還憑挾漢分章手長使經綸宇

宙新

王申初春家蒼厓招遊珠江爲作珠江春
泛卷子并賦

珠江春早花無數芳甸春人如織霧尋春最好
及春遊一舸停橈楊柳渡主人招邀錦帆開疏
璃萬頃衝波來玉壺買醉盡羅綺金谷植樹皆
瓊瑰隔花看花花欲語不是花神定天女天女
散花紛亂墜湘水巫雲漫延佇春風盡日憶劉
郎風流南漢空蒼茫烟水消殘前度劫花田猶

說舊埋香迴颿轉棹大通寺一洗紅塵清淨地
古井長留烟雨兩名虛亭兼得滄洲意玉簫金管
催客歸桃花燕子依檣飛春事興衰送今古青
山萬疊生斜暉同舟共是英妙選下筆擘天金
翅展春人春事何處尋省識春光開畫卷

白雲蒲澗新構雲泉山館同張南山家蒼
厓諸子瀛濤越塵兩道人

飛濤古木長公詩百粵名山此擅奇堯韭禹糧
餘澗谷白雲黃鶴憶安期仙人舊宅成千古騷

客新巢借一枝，賴有入林蓬。鳥士盍簪偏許結，
茅茨

雲泉山館林經始，關寄同志諸君

青峯一角亂雲堆，滿徑烟蘿手自開。舊樹不妨
新樹補，後人應憶昔人栽。江天浩浩茅亭出，松
竹蕭蕭山雨來。寄語諸君當共笑，無多經濟展
蒿萊

清湍脩竹軒告成誌喜

髫齡已發烟霞興，邱壑探奇二十年。此境經營

真得地吾人出處總關天
晴空風雨鳴松竹
白日雷霆走澗泉
千載菊坡遺跡在
名山事業想

前賢

地是崔菊坡讀書處

同何獻墀 金鑑 山行過馮氏墓至沙河酒

肆

我到山中住少時
山行還與故人期
閒身欲盡風日興
勝事惟應雲水知
馬鬣夕陽經古壟
龜趺秋草讀荒碑
村南且就黃墟醉
紅樹橋邊認

酒旗

康侯來羊城未幾別去索畱其聽雲樓集
與君一別蓬萊清飈車忽爾停仙城是日人間
開玉京瑤窓相對披瑤瓊天風吹入碧雲裏散
作簫韶鸞鳳聲天門日落鬱烟霧苦死畱君君
不住北海傾殘琥珀杯南溟擷盡珊瑚樹行當
搔首問青天歸時畱取驚人句

送胡栗堂返錢塘

五年嶺海往來閒多在烟雲縹緲間此日歸舟

何所有仙人贈爾一囊山

攜有羅浮
遇仙圖冊

宿羅浮明月寺奉懷南城先生三首

古寺住明月山中月不同
犀眠潭水寂

地有犀牛潭

仙語石樓空
幾得此秋夜
飄然懷庾公
清輝如可接
玉宇倘乘風

夜碧一峯峭
碑題百尺巔

謂粵嶽祠記

誰能攜海月

借讀定飛仙
笙鶴中宵樂
松風萬壑泉
高文真絕世
落落護雲烟

四抵蓬萊股
奇遊豈厭多
心常飛泰岱
胸已注

黃河未獲攜
書劍依然嘯
薜蘿神仙舟
許附

公將

述職
北行 吾欲謝巖阿

附錄

香石詞兄有羅浮明月寺寄懷之作次韻

奉答

南城 曾燠 賓谷

步出飛雲上

飛雲嶺乃羅浮最高處

心將明月同龍吟

寒積水

山有黃龍潭及五龍潭

鶴影動秋空

山有白山鶴峯

本如浮客

廣東新語謂羅主而浮客明月寺在浮山上

仙多是寓

公惜余非鮑靚夜夜燕凌風

一片麻姑鏡空明紫翠巔此時聞廣樂

麻姑鏡夜

樂池皆山中景
知子會羣仙已餉元都菜還分玉井

泉君曾以黃精並卓錫泉相貺
新宮容點筆名字上雲烟

粵嶽祠記葛鮑二仙祠碑燠所製也君已勒諸石

聞道奈何晚塵中白髮多君方適烟月吾欲

度關河 聖代無幽遜高才豈薜蘿相期車

馬發他日詠卷阿

嶺海樓詩鈔卷之四

香山黃培芳子實撰

番禺黃喬松



雲泉山館二十境詩

并序

錄十六

山館在白雲簾泉之間宋蘇文忠有千
章古木百尺飛濤之詠卽是處也崔清
獻亦嘗讀書其地至有明先文裕公講
學山中又別建泰泉書院前賢雖往風
流未墜嘉慶十七年余與諸同志沿澗
卜築依山結宇并購碧虛觀外餘地以

足之於是親闢烟蘿補蒔花木一邱一
壑遂成勝區奉祀三賢以寓景仰春秋
佳日觴詠其中隨地品題得二十境率
意濡毫雜成各體同志爲家蒼厓喬松
張南山維屏譚康侯敬昭林月亭伯桐
段生佩蘭孔生繼光合余七人方外則
江瀛濤本源黃越塵明熏兩道士

北園

跡繼南園後山中闢北園烟雲圍小築花鳥閉

閒門今古一相接風流幾輩存羊城多好事佳
日每攜樽

南雅齋

漢後風雅推有唐當時弁冕張曲江南園前後
何堂堂南極之下雲錦張泰泉正響皆琳瑯中
間領袖道大光白沙舞雩歸詠長海雪徧襲蘭
芷芳三家振起陳屈梁近數馮黎張呂黃嶺南
羣雅相頡頏上下千載遙相望齋名南雅胡可
忘我願羣公交勉將東序鐘鏞發適皇南溟鯤

鯨掣汪洋天漢橫
槎不用航天馬行空
安可繮
笑我蟬噪鳴枯腸
邾莒妄欲儕冠裳
齊楚大國
何可當愛我示我以周行
免令後世嗤其狂
相
期和聲起炎方
重離炳燿真吾鄉

環碧樓

寒碧千重合濃陰
會此樓樹疑終日
兩人坐一天
秋憑澗臨無地
看雲到上頭
北來諸嶂列南
去大江流俎豆羣公在

蘇崔二公
先文裕公

烟霞四壁收

元龍共今肅真足傲滄洲

註經窩

善易不言易詎待後人註大哉我宣尼青天撥
雲霧十翼詮義文不啻示之路漢儒首明象卦
畫亦兼互因象以明理此意本當務末流入禩
祥穿鑿不復顧宋儒理爲宗主理頗不誤胡爲
圖學興遂爾惑於數康節別一家其學精推步
牽引妨兩傷幾等如塗附空山抱遺經抉擇匪
細故何敢比行窩聊以處履素說詩推南山更

共七子賦

伊墨卿太守雲泉山館
銘有七子詩壇之語

清湍脩竹軒

地得山陰勝千竿水一泓偶然同此境何愧被

斯名軒白鄰南雅書應重北平

軒額覃谿先生
筆并長歌刻石

常時風雨作竹響雜泉聲

索笑檐

風簷不丁影模糊林下人來定有無如此傾城
偏世外祇應開口向林逋

自在池

山泉導作池澄泓澹相對移將玉井蓮盡植一

池內天然出清泚淨根最堪愛清風吹妙香自
在大自在

通泉

山下出泉流行坎止觀其會通中有易理

薌澗

小山發叢桂小澗生紫茸風來衆香度何處尋
幽淙

綠陰坳

入林惟恐不密轉轉坡陀幾曲有時長嘯一聲

衣袂忽點山綠

江景亭

樹杪茅亭出滄江坐渺然羣山青送黛一水白
浮天帆影落檐際鷗波明檻前登臨風雨後圖
畫共澄鮮

橫藤墩

林僻藏如鳥人來蟄似蛇午陰移樹影小坐落
藤花

松臺

深山雲氣鬱難開，風捲濤聲萬壑哀。
百尺虬龍疑入漢，半空笙鶴快登臺。
松廬客愛應常至，南嶽人歸也獨來。
每到歲寒思我友，嵯峨誰是後彫材。

坐月坡

長空贈我以明月，此語得之秦泉祖先生。
一往不復作明月，長空照千古。更闢蒿萊俎，
豆尊清光仍照一坏土。公前講學秦泉書院
今山館祀公栗主坐坡石誦
公詩澗水流花香滿陂，公恍來兮翻靈旗。
雲璈

渺渺何所之空山月落幽林思

松竹壟

江道人埋衣冠處

道人說長生壟上但松竹穉川衣冠塚可是手
自築

埋憂冢

天上不可以寄愁地下或可以埋憂節取仲君
語毅然築茲邱人生役役爲富貴豈知身外皆
雲浮雲山烟水旣自足黃金白璧還何求君不
見秦皇起土驪山頭後世不得蓬萊蒙其休又

不見五陵冠蓋皆王侯石麟金枕淪沒三千秋
埋亦不能盡憂亦不可畱胡不開我萬古之心
胸濯以菖蒲之澗水簾泉之飛流長吉嘔心作
嚙語上帝安有白玉樓

安期祠

賣藥來東海人呼千歲翁何年入蒲澗長坐白
雲中絕迹無秦漢棲心有閩蓬神仙不可接祠
宇但凌空

傷逝五首

田西疇先生

束髮從吾師自喜得所依
入塾踏殘月不畏晨
風吹豈徒事章句導我開襟期
樹立在經濟時
務宜通知勸以破萬卷餘事還談詩
謂我詩筆
佳南園當嗣之師惠詩有云三家五子音同門
有蒼厓兄事時箴規策勵兩期許
書紳何敢遺
淹忽賚志歿永深梁木悲

鄭貫亭侍御

士超

恂恂大君子蘭臺正厥躬

聖朝紀綱肅媿嬰

胡能容凜凜執白簡颯颯生英風氣節感後起
正直師微衷平生重風義素車哭馮公魚山先生爾
時始識面訪我山齋中傾談露肝膈謙挹明虛
冲相勉忘世態臨別還過從適我往省墓兩過
不得逢念君返諫垣一書馳郵筒閭里苦彫敝
爲君陳其窮老成忽喪謝灑淚翹秋空曩貽細
字扇珍之枕祕同

方竹孫秀才

繩武

吾鄉竹孫子嶽嶽稱懷方處物絕脂韋所恃鐵

石腸因之頗忤俗知心惟杜康見我早歲作傾
蓋遂聯床從此交不渝道義日勉將當其幽興
發共登千仞岡有時呼我酌無肉但壺觴富貴
等浮雲一醉遊其鄉新詩數百首老樹摩青蒼
卷中寄我多此意誰能量前年復贈我千字猶
洋洋秋鴻未卽答凶問已堪傷側身望四表古
交何茫茫

胡栗堂處士

紹寧

一飯不肯苟安能事公卿一言亦當踐何可忘

友生胡君庶不愧蓋棺斯定評烟霞有痼疾五
度羅浮行汲汲重身後萬事浮烟輕處世淡於
水暱予有餘情相約同誅茅豈謂事無成嗚呼
竟旅殯蟬蛻歸太清經營返一棺耿耿懸心旌
何年醑爾墓江天空涕零

從兄蔭方

沃棠

吾父生五人伯考誕吾兄諸兄皆早世惟兄與
我并兄少事吾父鬻舍蜚英聲父官海南時往
省兄渡瓊旣乃遭大故全家羈島瀛兄來挈之

返敝廬居仙城爲我擇名師獎勵使有成兄志
在四方老猶事遠征我漸能負米勸兄無舌耕
兄言實不疲俾我擔負輕兄僅育一子熙文視
我等所生小子甫青衿我遂悲脊令回首廿年
事涕淚縱橫傾竹帛不可期山林當自貞立身
期阿咸庶幾貽令名

山館

山館見林影蕭蕭多夕陽斷雲橫遠碧秋葉墜
微黃流枕前軒得蒲餐滿澗香勞生差自息何

敢擬羲皇

將母

將母真堪樂，居貧轉免憂。
一身隨處適，萬事此生浮。
且負仲由米，休嗟季子裘。
宛邱吟學舍，莫笑小如舟。

康侯聽雲樓圖

隔水呼雲雲有聲，語妙坐使千人驚。
聽雲思入彩雲裏，瓊樓半空彈指成。
我聞泰山之雲觸石起，萬箭齊飛聲聒耳。
好將箏笛洗從前，不聽竹

肉聽霰飄又聞黃山之雲作雲海雪浪千重翻
礮礮裂帛何如擘絮聲此心早逐浮雲改憶我
頻觀粵嶽雲時時鸞鶴空中聞年來更入雲山
住飽聽雲泉看雲樹南山又喜聽長松松臺萬
壑來天風雲松入聽皆不俗山水生涯差自足
何時同上最高層傾耳丹青歌此曲

海幢澄公禪房曉起

諸天醒清夢鳥聲亂深碧起看初日上萬里東
溟赤烟樹遠如薺隱有海氣積長風送朝爽坐

嘯四窓闢聞鐘集雲堂茶瓜漫畱客小話叅人
天迴覺塵世隔古今一彈指浮雲去安適丈室
許長來散髮鷗波白

集雲泉山館蒼厓招賞梅

海天萬里明紅霞寒雲漠漠開山家朝瞰人影
射林谷照見萬樹瓊瑤花主人招邀衆仙客到
門一一停雲車共愛寒香傲冰雪盡洗俗態無
鉛華或來林下藉茵坐擬議畫本抽寒芽或倚
深叢花作幔臥看白玉清無瑕或攜一樽避人

跡獨窺踈影枝橫斜賞心各適滿空谷逸氣直
欲爭天葩興酣灑墨向粉壁筆可屈鐵驚龍蛇
是日湯雨生畫梅壁上劉樸石師暨謝里甫皆有題壁詩雪泥鴻爪偶畱迹
四座歎賞皆咨嗟我住山中已旬日日日采芳
臨水涯堯年古澗賸有韭安期仙棗看如瓜羣
仙忽散白日落山月伴我窮幽遐

癸酉臘月五遊羅浮溪上阻風舍舟步行

入山晚宿九天觀

清溪發孤棹詰曲林樾邊空青壓船頭峩峩欲

橫天白雲喜招我玉女明娟娟相隔數月耳

是秋

會遊

乍覲猶堪憐石尤方倒吹舟子一纜牽逸興

詎能遏入山思爭先慨然舍行李飛步如飛仙
反顧舟中人波間空洞沿

入山何所適日夕宿元關道人治肴款醪醴壯
我顏偶一話塵世近事了不嫻孤月流長空仙
樂聞後山我欲從之往彩雲不能攀遠近若可
辨天風鳴珮環

次日抵酥醪觀

晨興理杖策朝日已東昇岡巒互迴複峻坂拾
級登佛嶼昔無水導引來雲層山茶盡日施行
客喜不勝二子時乃功江瀛壽
陳穗出千秋復誰能我
亦飽七椀有若餐壺冰風生兩腋間青霄如可
凌

行行抵北菴良友先我在

謂黎
楷屏

延我第一樓澄

懷澹相對欄檻倏改觀結構彌可愛松竹雜烟

霞總貯一廬內老梅倚蒼壁飛英紛點黛坐看

南山雲暝色生巖隼

響泉書屋

一名楷陰別墅順德陳穗田豐建

隱隱金銀臺雲中見新築何人彈指成響泉號
書屋龍山有詞客愛此理幽獨泉向屋底流雲
來棟間宿當軒數點山遶閣萬竿竹暮歸飯青
精朝出逐麋鹿人生此福庭何處更清福

黎楷屏少府

應鍾

寓浮山第一樓賦贈

雲扶壁峙勢嶙峋第一樓中作主人臥對梅花
忘我相起看明月悟前身官書乍了三千牘山
色全添四百春如鶴猶龍渾未測暫時應號葛

天民

羅浮山行雜詠

亂松吹送海濤風
盡日看雲拉遠公

謂登波青上人

壁萬尋溪一曲
桃花開向水聲中

萬竿脩竹拂寒雲
竹下漣漪漾縠紋
白石粼粼波汨汨
溪流清淺浴鸞羣

無數山家住
夕陽雲爲戶
牖水爲鄉
仙風遠度
梅花放
知有人來過
石梁

高峯忽斷有雲遮
細路延緣曲似蛇
行上坡陀

時小憇一天空翠落松花

梨花塢上尋常坐逕口塘西汗漫遊最是田家
風景絕籬邊屋角遶清流

水碓春雲雲涌山勞勞雲水我偏閒偶逢野老
攜鴉嘴斲得黃精帶月還

遊山背水

破險逕縵幽人來山背遊石盤山作骨水激石
成湫老樹攀危鷲陰崖抉怒虬何人重題品刻

劃到林隈

黎楷屏屬余書良泉二字泐石并品爲十二境

除日山中

饋歲說人間人忙我自閒
流光看逝水不老是
青山柏酒憑誰釀
桃花已可攀桃花盛開
明朝攬雙鬢且喜未成斑

開歲三日晚飯後與山人家蘭谷野步至
松門深處

蒼官萬樹森排衙濛濛寒翠紛交加
岩堯山徑一門入風過掃影疑龍蛇
清溪淺水出白石輕陰薄暝開桃花
山人飯飽但捫腹相與散步窮

幽遐爆竹數聲動山谷桃符幾處明山家野翁
祀社方醉返青衫阜帽風中斜此間風物亦人
世惟畱淳古無紛華陽迴大野萬物育春氣益
益流桑麻雲中雞犬自足樂何必勾漏營丹砂

山中詠雲

愛爾無心出岫閒有時飛去到人間從龍未易
爲霖雨舒卷何如在碧山

遊浮山最深處至暗花溪橫雲谷

俗名暗坑橫坑

雲端千尺松心逐飛鳥度轉轉四五峯高下屢

迥互深窅覲幽境石梁橫瀑布桃花開碧溪流
鶯喚芳樹因樹架爲門離披綠葉附世外有佳
人求漿頗不忤小兒秀眉目見客玉齒露門前
憇瑤石靜極得真趣杳然非人間已失來時路

其二

白龍飲碧潭飛下千丈坂水花噴危石雲邊作
蜿蜒雲去衆山動雲歸萬壑晚但聞水滿澗不
知山近遠行行遇樵子暫出因買畚笑問客何
來指點烟逕返

水簾洞

蒼蒼橫一逕五度此纔經入谷驚飛雨懸崖訝
落星山光連海白石氣到天青淪茗澄潭下憑
流洗耳聽

白雲謠出山作

白雲自來不用呼紛紛編起青山隅知我出山
不忍別故將靉黳遮前途幽人送我佛嶼口櫺
波遲迴且爲畱斯須我招片雲行不孤雲行隨

我如相趨雲遊八極九州隘心似太清一事無

無事還當入山去白雲來往何定乎

粵嶽觀日歌索諸君詩畫作

五龍潭水青濛濛
懶龍鞭起乘長風
騰身四百第一峯
坐瞰日出扶桑紅
初出蒼涼逗一綫
隱隱霞氣升於東
漸起芒角爭四溢
山川萬里光墮隴
太華懸知尙夜碧
粵嶽已見撐青空
陰崖冷積千古雪
此際稍稍能消融
咸池下矚甫罷浴
鯨波遠漾還磨銅
天門訖蕩對暘谷
金光直

射迴燭龍鳳凰一聲振丹穴

山中有羽儀五色鳳凰谷

輝蒼穹須臾破曉天下白人間始識歌梧桐平
生願得江山助震宕耳目開心胸五遊洞天一
觀日瞬視富貴如秋蓬飄颻九垓忽歸去神皋
屢起方寸中欲憑妙墨灑尺幅點綴嶽色歸天
工諸君肯發滄洲興筆驅山海神先通詩成畫
畢試東顧突兀倒插千芙蓉

賓谷先生招集賞雨茅屋

茅屋還招讌玉壺先買春有時入官府何敢號
高人我自尋三島歸來始浹旬

謂度歲
羅浮

羣賢欣

接席鼎鼎一閒身

得楷屏山中書云與遊侶宿飛雲絕頂賦

此答之并柬九天觀隱泉道人

老子興不淺襍被飛雲巔坐待子日紅遠雞鳴
碧天俯立兩石樓萬里橫山川置身霄漢表徒
侶皆羣仙讀君一紙書字字生雲烟昔我出山
日長坐水簾邊老人名峯彩雲裏拱揖呼可前飄
忽辭烟蘿未得同周旋君如續我遊九天招隱

泉

余前遊隱泉爲導

雜憶

我生在石城五齡還廣州性已好山水落日坐
船頭舟子事晚炊不掉舟自流雲望蒼梧遠水
極泮河浮沙明兩岸出歷歷飛羣鷗舟轉山亦
轉山山紅葉秋

九歲經滄海其波大如山舟隨波起落掀播驚
心顏隙中望鄰船似已淪波間茫茫十萬頃何
處通人寰同舟吐裊褥我乃如癡頑風濤忽無
聲知己抵前灣

讀書芙蓉館

樸石師齋名

思遊白雲嶺夕陽已在山

前路安得騁興發急典衣沽酒買村餅儔侶皆
昧途屢入無人境但望雲中行到寺山月冷喜
聞暮鐘聲叩戶遂所請達旦娛清遊弄月九龍
井

振衣三千仞福地窮泉源段生

佩蘭

健腰脚捷步

同飛猿雲深陡失路悞行日已昏巉巖履荒逕

深箐虎豹蹲竭蹶抵山麓何處投人村深竹得

茅舍其地名藍門隻雞一斗酒囊錢何足論縱

橫藉橐栝一醉招清魂

授徒月山下在香山同心日往復竹孫折簡招及

至乃無肉頗餘瓦盆酒云是婦所蓄欣然斟酌

之歌聲徹老屋餘興未云已訪友溪南宿李吉士館

張溪

攜書深山讀陸子古君子蒯溪孝廉鐘亮五經及綱目

背誦瀉瓶水褰裳逕相訪一見卽知己邀我遊

月溪破寺暫投止分臥兩版屏枕石露雙趾縱

論天下事區畫得妙理談兵氣逾壯中夜蹶然

起對坐昏黑中
亶亶兩不已
老樹號寒風
颼颼打窓紙

友人吳雁山孝廉

應達

得金正希研山圖

小幅屬作

明季皇綱日不競
茸闌紛撓太阿柄
翰林金公奮臂起
大節凜凜英風勁
歷練邊才無所施
團結鄉兵終授命
文石同心殉義俱
申甫無功出車
迸山河百戰滄桑
後手蹟叢殘允堪
敬吳君何處得此
本半段鮫綃墨明
淨題云米芾研山

圖鈐以公名印方正縮龍成寸海入壺鐵骨嗟
峨筆瘦硬吳君寶之若尺璧欲闡幽光入題詠
遺型髣髴遇圖中海嶽千秋足輝映

題張墨池孝廉

如芝

荷香書屋

白雲數峯芳塘一曲淥水方生荷香酒熟伊誰
結屋其人如玉

寄居蟲聯句

卽江賦所謂瓊蛭螺軀而蟹足鰕鬚而蝸目附殼而處亦

或自脫而出形狀瑰異康侯來南海始見之屬余聯句以廣物志

賦江志瑰奇腹蟹有瓊蛭海物始見之

譚敬昭康侯

介蟲此其特誰鑿元渾胚遂軋異物茁恠恠而

奇奇

黃培芳
香石

嘻嘻或出出神馬尻為輪弄瓦衣

之裊旋旋盤中杯

康侯

磊磊袖中石具體得螭

蚌有聲同郭索生物息相吹

香石

他族實此偈

蛩肩負歷趨月腹餐蟾蝕舞甕雞自雄

康侯

戴

山鼈借力乘螺貢死渠自竇奔有鬲疑彼作鯨

吞

香石

竟茲薦蠶食蕞爾稱寓公闖然得荒宅

得非扶餘王

康侯

突據虬髯客負嶠竟類虎此

客定能賊滅武仲以防

香石

孫林父入戚置人

復壁間寧鼯臥榻側蟻封盤馬餘康侯鼠穴乘

軒窄金車來徐徐陸舟行額額徒然處井蛙香

石羞彼遺巾幘伊誰作解嘲為爾對以臆鵲巢

鳩維居康侯蟹匡蠶則績縱非生俱生要自適

其適殊塗本同歸香石相視久莫逆夔屈而龍

信管窺以蠡測小住亦為佳康侯無求良自得

解紛平觸蠻卜居任夷蹠寤言安樂窩香石適

彼清涼國自惟愛吾廬豈日為物役變動周六

虛康侯加恩乏九錫博物志或遺續爾雅未悉

卮言可寓言

香石

多見乃多識

康侯

羊城富
文齋鑄